

陳州府志目錄

卷首

序

凡例

目錄

圖經

卷之一

沿革

有表

卷之二

星野

有圖

卷之三

疆域

卷之四

山川 附河渠津梁

卷之五

建置 城池 郵政 廨署 倉廩 坊巷 集鎮 通舖

卷之六

學校 附名宦諸祠

卷之七

聖蹟 附書院義學

卷之八

聖蹟

卷之九

祀典

卷之十

古蹟

附陵墓寺廟

卷之十一

風俗

附物產

卷之十二

賦役

卷之十三

職官

卷之十四

名宦

卷之十五

武備

卷之十六

選舉

卷之十七

人物
上

卷之十八

人物
下

卷之十九

忠義孝弟

卷之二十

流寓

隱逸

方伎

卷之二十一

列女

卷之二十二

列女

下

卷之二十三

仙釋

卷之二十四

藝文

一

詔勅

表奏

告文

虞書

序引

卷之二十五

藝文

二

記

卷之二十六

藝文

三

記

卷之二十七

藝文

四

四六

贊頌銘
祭文

傳

碑銘

論辯

墓誌

疏引

賦

題跋

卷之二十八

藝文

五

詩

卷之二十九

藝文六 詩

卷之三十

雜志

祥異

兵變

外傳

幽異

許州府志卷之六

楚鄂崔應麟吉升氏纂修

學校

學校之設由來尚矣其所以垂永久而不替者良以爲往聖續絕業爲千古明倫紀爲國家儲人材典綦重也漢以來詔天下學官崇祀

先師孔子自六朝以迄有明陳之文廟雖極兵燹罔敢毀者此亦幾希之人心所由不泯者歟延及

本朝廟貌愈新而典禮愈渥萬世師表之稱五代褒封之典其尊崇也至矣官斯土者敢不敬歎志學校

陳州府儒學始於宋熙寧八年知州事陳襄創建元末

兵燹惟文廟獨存明景泰元年知州唐銓鼎新大

成殿及兩廡戟門萬宣造明倫堂齋號學制粗備成

化六年知州戴斯立櫺星門塑聖賢像別製木牌書

諸爵諡自正殿及戟門廊廡皆繪以金碧餘俱飾以

丹堊書房號舍倉庫庖廡煥然具備功將就緒而用

猶未敷忽土中獲金二斤以完弘治間知州倪浩自

思義繼修嘉靖中知州葉淳建尊經閣王大業詔

建啓聖祠易像以木主沈應元建敬一亭萬曆後

州洪蒸夏相虞羅彬兵憲翟師雍署州事均入於

修建明季毀於寇止存大殿

國朝順治七年兵憲孫建宗督教官張化鵬重修十五年
兵備道于朋舉知州王宏仁重修康熙四十年教諭
梁維極擴修照壁又增修花牆過園泮池規模宏敞
雍正十二年改府設縣學宮仍舊乾隆元年知府金
山視學見殿廡墻垣漸就傾圮率知縣潘廷偉教官
賀纘及闔郡紳士捐金重修

文廟在府治南縣治西中大成殿九間殿後崇聖宮三
間舊有敬一亭廢殿右崇聖門一座殿前東西廡各
九間庫房在內戟門三間左右角門二座東角門外

為名宦祠西角門外為鄉賢祠各三間忠義祠三間

在鄉賢祠後

雍正六年奉文義節孝二祠知州

學宮內建忠林貽熊承建

再前櫺

星門三楹外為泮池左右有義

路禮門二座前有照

壁週以花墻右為明倫堂五間

儀門三間頭門三間

府學教授宅在明倫堂西縣學

訓導宅在明倫堂東

文昌閣

在文廟義路門外稍東鐘樓之上

魁星樓

明時南城東隅原有魁樓壬午焚燬康熙

二十年知州蕭國弼與紳士捐資學正吳極

吏目張志遂督修之層臺重宇頓復舊觀

節孝祠

在南門街路西東向祠三間門三間舉人劉發貢生高華等捐

修

康熙二十三年頒

御書萬世師表扁額奉懸大成殿各縣同

雍正三年頒

御書生民未有扁額奉懸大成殿各縣同

乾隆三年頒

御書與天地參扁額奉懸大成殿各縣同

康熙三十三年

御書先師孔子贊及四賢贊刊碑立大成殿屬縣俱依式

刊立

至聖先師孔子贊

并位

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲

此正學所以常明人心所以不泯也粵稽往緒仰邈前

徽堯舜禹湯文武遠而在上兼君師之寄行道之聖人

也孔子不得位窮而在下秉刪述之權明道之聖人也

行道者勲業炳於一朝明道者教思周於百世堯舜文

武之後不有孔子則學術紛淆仁義湮塞斯道之失傳

也久矣後之人而欲採二帝三王之心法以爲治國平

天下之準其奚所取衷焉然則孔子爲萬古一人也審

矣朕巡省東國謁祀闕里景企滋深敬摛筆而爲之贊

曰

清濁有氣剛柔有質聖人參之人極以立行著習察會

道莫由惟皇建極惟三后綏猷作君作師垂統萬古曰惟
堯舜禹湯文武五百餘歲至聖挺生聲金振玉集厥大
成序書刪詩定禮正采旣窮象繫亦嚴筆削上紹往緒
下示來型道不終晦杌然六經百家紛紜殊途異趣日
月無踰羹墻可晤孔子之道惟中與庸此心此理千聖
所同孔子之德仁義中正秉彝之好根本天性庶幾夙
夜勗哉令圖遡源洙泗景躅唐虞載歷庭除式觀禮器
攜毫仰贊心焉遐企日世而上以聖爲歸百世而下以
聖爲師非師夫子惟師於道統天御世惟道爲寶泰山
巖巖東海泱泱牆高禹偁夫子之堂孰窺其藩孰窺其

陝州府志 卷之六
徑道不遠人克念作聖

康熙二十五年七月初四日

顏子贊

聖道早聞天資獨粹約禮博文不遷不貳一善服膺萬
德來萃能化而齊其樂一致禮樂四代治法兼備用行
舍藏王佐之器

曾子贊

洙泗之傳以魯得之 一貫曰唯聖學在茲明德新民止
善爲期格致誠正 均平以推至德要道百行所基纂承
旣緒修明訓詞

子思子贊

於穆天命道之大原靜養動察庸德庸言以育萬物以
贊乾坤九經三重大法是存篤恭慎獨成德之門卷之
藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知
言養氣道稱堯舜學屏功利煌煌七篇並垂六藝孔學
攸傳禹功作配

乾隆九年部頒祭文

崇聖祠祭文

維年月日某官某致祭於

肇聖王

裕聖王

詒聖王

昌聖王

啓聖王曰惟

王奕葉鍾祥光開聖緒盛德之後積久彌昌凡聲教所覃

敷率循源而溯本宜肅明禋之典用伸守土之忱茲

屆仲

春秋

聿修祀事配以

先賢顏氏

先賢曾氏

先賢孔氏

先賢孟氏尚饗